



Akitsinguaq Olsen  
Inatsisartuni ilaasortaq  
c/o Inatsisartut Allattoqarfiat

## Apeqqummut 2010-255-imut akissut

Asasara Akitsinguaq Olsen,

Inatsisartut suleriaasianni § 36, imm. 1 najoqqutaralugu ulloq 11. november 2010 Naalakkersuisunut imatut nipilimmik apeqquteqarputit:

19. november 2010  
Suliap normua 2010-032898  
Dokumentip normua 505377

### **Naalakkersuisut Amerika Avannarlermi niueqatigiinnissanik periarfissanik anner-tusaanissat misissuivigineqarnissaat periarfissaata ujartorneqarnissaat misis-suiviginnissaanut ammaffiginnippat?**

Postboks 1015  
3900 Nuuk  
Tlf. (+299) 34 50 00  
Fax (+299) 32 50 02  
E-mail: govsec@nanoq.gl  
www.nanoq.gl

Inuussutissarsiortut nunarsuarmi tamarmi niueqateqarluarnissaannik killiliussat pitsaa-nerpaat Naalakkersuisut suliassaraat. Suliffeqarfiutitta niueqatigiinnermi ikiornissaannik suliniuteqarneq Naalakkersuisut ingerlaavartumik ingerlataarat, tassunga ilaavoq sani-litsinik Amerika Avannarlermik niueqateqarneq.

USA, Canada Mexico Amerika Avannarlermi killeqanngitsumik niueqatigiiffiusussamik (NAFTA-mik), siusinnerusukkut ilannguffiginiarsimasatsinnik pilersitsinikuupput. Tas-sunga atatillugu kalaallit aningaasaqarnikkut ingerlatsinerata annikinnerata tungaatigut killeqartoqarneranut atatillugu allanngortoqarsimangilaq. Ineriartorneq apeqqutaatillugu nunat NAFTA-mut ilaasortaasut niueqatigiinnerup tungaatigut periarfissatigut anner-tusarnissaat misissorneqarsinnaavoq.

Nunarsuarmiut Kalaallit Nunaannik ilisimanninnerat annertusariarlugu Naalakkersuisut 2005-imili inuussutissarsiortut suleqatigalugit nunatta avammut nittarsaannissaa siu-nerataralugu Branding Greenland ingerlataarat. Taamaasilluni Kalaallit Nunaat USA-mi, Tuluit Nunaanni, Tysklandimi Sverigemilu nittarsaanneqartarpoq. Annertunerusumik ilisimaneqalernissaq tassani siunertarinearpoq, soorlu takornariaqarnerup annertusar-neratigut, aningaasaliinikkut niueqatigiinnikkullu.

Neriuppunga qulaani akissutikkut Naalakkersuisut sinnerlugit apeqqutit akisimallugu.

Inussiarnersumik inuulluaqqusillunga

Kuupik Kleist